

品州續志序

襟距河北之上游爲畿南之邊要
通九省地實崇期蓋南來入直之門
戶也道光丁酉余以選拔貢成均買
車北上曾此經過入境見麇山西峙
鬱鬱葱葱與滏河流水映帶城郭雖

地經震後雉堞未修而五都之稱名
猶不爽竊謂此邦氣鍾清淑當必有
名勝之蹟足遊覽拓心胸者惜爲倉
卒客不獲少停征轍作數日盤桓忽
忽驅車以去爲悵然者久之厥後筮
仕畿封牽絲小邑迨量移數處亦皆

僻在一隅較前此過磁時所見形勢
殆不啻邾莒之視齊晉也辛未夏五
承人乏擢縮磁符稱媿前來方謂忻
於所遇乃觸目似非昔比不無習鑿
齒重到襄陽之感推詢其故始知數
年來歉歲頻仍又疊經兵燹遂致少

形蕭索且現值湓流泛溢亦復澤有
嗷鴻受代後乃急爲勘報請免催科
繼則勤撫綏減徭役築城濬池以興
廢墜蒔荷樹柳冀復舊觀勉竭鳩營
不遑朝夕半載後諸務漸皆就緒簿
書之暇復取州志披閱之詳悉山水

之清奇幅員之宏濶回憶曩時欲信
宿勾留而未得者詎意於數十年後
刀夢符占適當其地殆大雄氏所謂
前緣耶惟溯自康熙癸未修志以來
迄今百七十餘年矣續纂未聞久且
益多湮沒不禁慨然起曰是守土者

責也於是商之僚佐謀及紳耆正在
經營設局採訪適大府有重修畿輔
總志之檄爰將訪求各事實按月申
報兩閱歲而蕝事隨復重加釐訂別
類分門敘次付梓凡六卷續諸舊志
之後以備參稽第遙遙百餘年間欲

問當時遺事而文獻無存見聞苦隘
徒抱張騫鑿空之想難覓燕國記事
之珠故不得不從史闕文之例掛漏
之譏知不能免然寧核毋濫體亦宜
然則是編也爲今日告朔之餼羊作
他年引咎之前馬庶不至如杞宋之

無徵云爾若夫上理日臻百廢俱舉
人文物彩踵事以增於以昭美備而
煥文章可爲志乘光也則請俟後之
君子 岢

同治十三年歲次甲戌季夏上浣

知磁州事桂溪程光澄撰

凡例

一奉發重修畿輔通志條欵并舊志目錄并首恭錄

詔諭

宸章亦春秋正月書王之義也茲謹遵照恭紀簡端

一舊志修於康熙四十二年是時州治尙屬河南今境屬直隸若從新更訂勢必多所刪除轉無以溯源流而資考証茲謹接前志續行采輯付梓前志則仍存其舊亦述而不作之意云爾

一是編以續爲名悉照舊志門類采訪分別識之惟

石川集
星野疆域山川古蹟皆今不異昔其營建門亭鋪
坊表學校門祭器祭品樂舞樂章賦役門地糧驛
站鹽引各等目亦并無改易更張無從續行采輯
故皆略而不贅非缺也

一是編所采率多近事近人緣自康熙至乾隆中間
歷百數十年欲詢往事而故老無存勢不能無所
見聞叩諸冥冥以故訪輯寥寥蓋不得不從史闕
文之例耳

舊志官蹟祇載前明聲明 本朝前此未列一人

然仍其舊云云似屬缺略茲於治績之昭然在人耳目者爲揚摧陳之其失於傳聞無由訪問則姑從略非意存軒輊有所去取於其間也

一奉頒通志條款內開訛者正之闕者補之查舊志人物門條目有未備者遵照酌增非逞臆見

一州境兩經兵燹鄉團堵禦追剿陣亡團勇及死難民人其姓名住址亦遵照通志條款詳查備載列人物門以昭忠義

一古人養老禮重引年齒之爲達尊也久矣第老人

石少綱元
之名殊欠雅馴酌易鄉耆似無嫌於改舊

一分註內應抬寫之處三抬者空三字雙抬者空兩字謹遵 四庫全書之例非敢以意爲之

一紀事纂言自須詳贍柰采訪旣隘於聞見敘述遂窘於敷陳不備不純能毋貽誚固無容引韓通無傳以自解也

磁州續志目錄

卷首

諭旨

宸翰

卷一

沿革

營建

城池

公署

倉庾

學校

宮牆

祀典

書院

祠祀

卷二

水利

河渠 閘堰 水田 井田

卷三

職官

州牧 州判 學博 吏目

宦蹟

選舉

進士 舉人 副榜 武科 附行伍

卷四

人物上

孝友 義行 仕宦 文苑
鄉耆 附異人 忠義

卷五

人物下 列女

祥異

卷六

藝文

記序 稟傳 墓誌 詩

磁州續志卷首

磁州知州程光澤恭紀

諭旨

雍正七年十月十四日奉

上諭據署總督唐執玉奏稱磁州民人楊進朝在路拾銀四十兩錢三千文卽告知地保仍至原處尋覓本人如數交還絲毫不昧等語數年以來各省民人拾金不昧者甚多今磁州楊進朝聞風興起克敦義讓甚屬可嘉着該部察例加恩以示旌獎欽此

宸翰

高宗純皇帝御製詩

射柳名亭氣象雄千秋聖日照臨中
背教貞觀專前美直
令由基拜下風安不忘危四時狩所其無逸萬方同孜孜
繩武心恒篤未敢亭前一引弓

州城北門外五里許有亭康熙四十二年

聖祖仁皇帝西巡過磁射柳處也乾隆十五年九月十七日

高宗純皇帝南巡過磁至亭所爲詩磁州知州敬刻

亭壘之